


詩所

十三之四

古語古諺
古雜詩



漢書門類			
二	八	一	一
四	〇	一	一
冊	架	函	號

內閣文庫			
三	一	一	漢
九	一	一	書
函	二	一	
一	四	六	類
棗	冊	號	

內閣文庫		
番號	漢	11117
冊數	24	(11)
函號	319	128



詩所第十三卷

古語古語

太公兵法

淺草文庫

日中不彗是謂失時操刀不割失利之期執斧不伐
人將來涓涓不塞將為江湖熒熒不救炎炎奈何兩葉
不去將用斧柯為虺弗摧行將為蛇

刀必割

黃帝語又賈誼書引云日中必彗操

六韜


天下攘攘皆為利往天下熙熙皆為利來

古語

左傳

山有木工則度之賓有禮主則擇之

魯隱公十一年滕侯薛侯來朝爭長



公使羽父請於薛侯引周諺云云周之宗盟異姓為後

雖有挈瓶之智守不假器晉人來治杞田季孫將以成與之謝息為孟孫守不可引

語云云一云挈瓶之智不失守器

臣一主二晉人執季孫如意子服惠伯私於中行穆子曰魯兄弟也土地猶大所命能具若為夷棄

之使事秦楚其何瘳於晉諺云云吾豈無大國乃歸季孫

心則不競何憚於病齊人伐鄭孔叔言於鄭伯引諺云云既不能彊又不能弱所以病也

請下齊以救國

其父析薪其子弗克負荷子產為鄭豐施歸州田於韓宣子曰君以公孫段為能

任其事而賜之州田其子弗敢有古語云云敢以為請宣子受之

蕞爾國而三世執其政柄子產適晉趙景子問曰伯有猶能為鬼乎子產曰良霄我

先君穆公之胄子良之孫子耳之子浹邑之卿從政三世矣諺云云能為鬼不亦宜乎

無過亂門駟偃卒其父兄立偃叔父子瑕晉人使問故子產對曰其子幼弱其一二父兄私族於謀

而立長親寡君與其二三老曰抑天實剝亂是吾何知焉諺云云民有兵亂猶或過之而况敢知天之所亂乎又宋對楚遂越引云唯亂門之無過

畏首畏尾身其餘幾 鹿死不擇音晉侯不見鄭伯以為貳於楚也子家

使執訊而與之書以告趙宣子引語云云又云云小國之事大國德則其人不德則其鹿也鋌而走險急何能擇將悉敝賦以待於儵於是晉鞏朔行成於鄭

娶不恤其緯而憂宗周之隕為將及焉鄭伯如晉子太叔見范獻子獻

子曰若王室何對曰老夫其國家不能恤敢及王室抑語云云今王室實蠢蠢焉吾小國懼矣然大國之憂也吾子其圖之

心苟無瑕何恤乎無家晉獻公為太子申生城曲沃士
無使罪至諺云云天若祚太子其無晉乎

雖鞭之長不及馬腹 高下在心川澤含汗山藪藏疾

瑾瑜匿瑕國君含垢楚子圍宋宋告急於晉晉侯欲救

楚未可與爭諺云云天之道也君其待之乃止

民之多幸國之不幸也晉命士會將中軍于是晉國之

上則國無幸民故諺云云

殺老牛莫之敢尸樂書中行偃執鴈公召韓厥厥辭曰

唯食忘憂國語作唯食可以忘憂梗陽人有獄賂魏獻

必諫饋入召之比三歎既食獻子曰告聞云云吾子

是以歎中置自咎曰豈將軍食之而有不足是以
及饋之畢願以小人之腹為君子之心屬厭而已
乃辭梗陽人

老將知而耄及之天王使劉定公勞趙孟於潁館於洛

民乎對曰吾儕偷食朝不謀夕何其長也劉子歸以語

非所怨勿怨衛侯入使讓太叔文子曰寡人淹恤在外

在寡人古語云云寡人怨矣

民保於信衛侯為夫人南子召宋朝太子蒯聩羞之謂

進太子奔宋速曰六子無道使余殺其母姑許而弗為

匹夫無罪懷璧其罪虞侯有玉虞公求旃弗獻既而悔

輔車相依一作唇亡齒寒晉假道於虞以伐虢宮之奇

從之諺云云其虞號之謂乎不聽晉滅虞

非宅是卜唯隣是卜

初齊景公欲更晏子之宅辭曰君之先臣容焉臣不足以嗣之及晏

子如晉公更其宅反則成矣既拜乃毀之而為里室皆如其舊則使宅人反之且諺云云二三子先卜隣矣卒復舊宅

庇焉而縱尋斧焉

宋昭公欲去羣公子樂豫曰公族公室之枝葉也葛藟猶能庇其本根况

君子乎諺云云

牽牛以蹊人之田而奪之牛牽牛以蹊者信有罪矣而

奪之牛罰已重矣

楚人伐陳因縣陳申叔時曰夏徵舒弑其君其罪大矣抑語云云諸侯之

從也曰討有罪也今縣陳貪其富也無乃不可乎

室於怒市於色

楚靈王執吳王弟蹶由以歸令尹子瑕言於王曰彼何罪諺云云楚之謂矣舍

前之忿可也乃歸蹶由又戰國策引云怒於室者色於市又苻堅聞桓温敗於枋頭歸而廢海西公引諺云怒其室而作色於父者其温之謂乎

狼子野心

司馬子良生越椒子文曰必殺之是子也能虎之狀而豺狼之聲弗殺必滅若敖氏矣諺

云云是乃狼也其可畜乎

飛矢在上走驛在下

語云云兵交使在其間

國語

兄弟讒聞侮人百里

鄭人伐滑襄王使游孫伯請滑鄭人執之王怒將以翟伐鄭富辰諫

曰不可語云云

改玉改行

晉文公定襄王於郊王勞之以地辭請隧焉王弗許古語云云若由是姬姓也當將列為

公侯以復先王之職大物其未可改也

無過亂人之門 佐饗者嘗焉 佐鬪者傷焉 禍不好

不能為禍 靈王二十二年穀洛鬪將毀王宮王欲壅之

而滑夫二川之神使至於爭明以妨王宮王而飾之無

眾心成城眾口鑠金 景王作大錢鑄大鍾鍾成伶人告

民所曹好鮮其不濟也其所曹惡鮮其不廢也故諺云

兵在其頸 獸惡其網民惡其上 晉克楚使卻至告慶

至稱三伐桓公以告單襄公襄公曰語云云其卻至之

謂乎君子不自稱也非以讓也惡其蓋人也求蓋人其

黍稷無成不能為榮黍不為黍不能蕃廩稷不為稷不

能蕃殖所生不疑唯德之基 晉公子重耳過鄭鄭文公

禮焉則請殺之諺云云

死而不朽 魯叔孫穆子聘晉范宣子問曰語云云句之

商為豕韋氏在周為唐杜氏周早晉繼之為范氏其此

善人在患弗救不祥惡人在位弗去亦不祥 穢之會楚

孫豹為戮趙文子引古語云云固請於楚而免之

擇君莫若臣擇子莫若父 晉悼公四年祁奚辭於軍尉

可語云云又管子引語云云知臣莫若君知子莫若父

從善如登從惡如崩 周敬王十年劉文公與莒弘欲城

穆公曰莒劉其不沒乎諺云云后稷勤周十有五世而

無助天為虐助天為虐者不祥 越入吳吳使王孫雄請

曰語云云今吾稻蟹不遺種子將助天為虐不忌其不祥乎

狐埋之而狐搯之是以無成功 吳伐越越使諸稽郢行成於吳曰諺云云今天

王既封殖越國又刈亡之雖四方之諸侯則何實以事吳吳許之

觥飯不及壺殮 越將伐吳數問范蠡蠡曰未可也王姑待之王曰諺云云今歲晚矣子將柰何

戰國策

騏驥之衰也駑馬先之孟賁之倦也女子勝之 蘇秦說齊閔王

曰語云云何則後起之藉也有能案兵而後起寄怨而誅不直微用兵而寄於義則亡天下可躡足而頡也

戰勝而國危者物不斷也身大而權輕者地不入也 秦攻

趙蘇秦謂秦王曰今雖得邯鄲非國之長利也語云云

借車者馳之借衣者被之 孟嘗君擇舍人以為武城吏而遺之曰鄙語云云

以書為御者不盡馬之情以古制今者不達事之變 武

靈王始出胡服騎射之令羣臣皆諫止王王曰諺云云

寧為雞口無為牛後 蘇秦為趙合從說韓曰鄙語云云今大王西面而臣事秦何以異於

牛後乎

貴其所以貴者貴 秦圍宜陽蘇代為公仲謂向壽曰禽困覆車秦楚合復攻韓韓必亡公仲

躬率其私徒以鬪於秦諺云云人皆言楚之多詐也而公必之是自為貴也不如善韓以待之

仁不輕絕智不輕怨 論不脩心議不累物仁不輕絕

智不簡功 厚者不毀人以自益也仁者不危人以要

名也 燕王喜與樂間謀伐趙不可王大怒起六十萬以攻趙燕人大敗樂間入趙王以書謝之引語云云

又諺厚者云云

見兔而顧犬未為晚也亡羊而補牢

一作

未為遲也

莊

謂楚襄王曰君王左州侯右夏侯從鄢陵君與壽陵君楚國必亡矣去之趙五月秦果舉鄢郢王使徵莊辛於趙曰今事至於此為之柰何對曰臣聞鄙語云云

見君之乘下之見杖起之

或謂黃齊曰人皆以謂公不善於富摯諺云云今王善摯

而公不善是不臣也

癩人憐王

孫子為蘭陵令春申君使人謝孫子孫子去之趙春申君請之孫子為書謝曰語云云此

不恭之語也雖然不可不審察也此為劫弑死亡之主言也

削株掘根無與禍隣禍乃不存

張儀說秦王曰夫戰者萬乘之存亡也臣聞之

語云云言所以舉破天下之從舉趙亡韓臣荆魏觀燕齊以成霸王之名

史記

死者復生生者不愧

趙主父初以長子章為太子後得吳娃生子何乃立何為王章心不

能服及主父使田不禮相章李兌謂肥義曰公子章疆壯而欲大田不禮忍殺而驕二人相得必有陰謀子奚不稱疾毋出肥義曰不可昔主父以王屬義也諺云云吾言已在前矣後章與田不禮作亂令召王肥義先入見殺

積羽沈舟羣輕折軸聚口鑠金積毀銷骨

張儀說魏王曰從人多奮

辭而少可信人主與其辯而牽其說豈得無眩哉語云云又漢中山王引云衆口鑠金積毀銷骨羣輕折軸羽翮飛肉

貌言華也至言實也苦言藥也甘言疾也

商君曰子觀我治秦也孰

與五段大夫賢趙良曰千羊之皮不如一狐之腋千人之諾諾不如一士之諤諤良請終日正言而無誅可乎商君曰諾有之矣云

日中則移月滿則虧物盛則衰

蔡澤入秦說應侯范雎曰語云云天地之常數

也君之功極矣如是而不退則商君白公吳起大夫種是也吾聞之鑒於水者見面之容鑒於人者知吉與凶

當斷不斷反受其亂

春申君傳引語云云春申君不聽未英之策卒為李園所殺

利令智昏

平原君傳引語云云平原君貪馮亭邪說

尺有所短寸有所長

王翦傳引語云云白起料敵合

將夷六國然不能輔秦建德以致物身

長袖善舞多財善賈

韓非傳引語云云信哉是言也范

及一人羈旅入秦踵取卿相固強弱之勢異也

管子

不行其野不違其馬

墻有耳伏寇在側 並古語

晏子春秋

五子不滿隅一子可滿朝 諺

孔子家語

相馬以輿相士以居 古語

曾子

人莫知其子之惡莫知其苗之碩 諺

孟子

雖有智慧不如乘勢雖有鎡基不如待時 齊人語

列子

生相憐死相捐

人不婚宦情欲失半人不衣食君臣道息

並古語

爭魚者濡逐獸者趨

語又曰覽云救溺者濡救奔者趨

田父可坐殺

周諺

莊子

美成在久惡成不及改

衆人重利廉士重名賢士尚志聖人貴精

並古語

聞道百以爲莫已若

野語

鬼谷子

口可以食不可以言

文愛不敝席男歡不盡輪

並古語又戰國策云嬖色不敝席寵臣不敝軒

魯仲連子

心誠憐白髮玄情不怡豔色媼

古語

百足之蟲三斷不蹶

諺又墨子引云馮公之蟲三斷不僵魏曹罔云百足之蟲至死不僵

鄒子

截趾適履孰云其愚何與斯人追欲喪軀

古語

慎子

不聰不明不能爲王不聾不聾不能爲公

古語又宋何尚之引云不

癡不聾不成姑公隋長孫平引云不癡不聾未堪作大家翁

商子

古語

卷之三

九

愚者暗於未成智者見於未萌

語

蠹衆而木折隙大而墻壞

諺又曰呂覽引語云墻有毀於隙木有毀於節

荀子

衣與繆與不女聊

古語

欲富乎忍耻矣傾絕矣總讓舊矣與義分背矣

民語

淺不足與測深愚不足與謀智坎井之鼃不足與語東

海之樂

流丸止於甌臯流言止於智者

桓公用其賊文公用其盜

鳥窮則啄獸窮則攫人窮則詐

盜名不如盜貨

並語

韓非子

稔偽不長益虛不久

家有常業雖饑不餓國有常法雖危不亾

規有摩而水有波我欲更之無奈之何

並古語

其母好者其子抱

有福不及禍來連我

一手獨拍雖疾無聲

並語

知淵中之魚者不祥

趙文子引周諺云察見淵魚者不祥智料隱逸者殃

不躓於山而躓於垤

為政猶沐也雖有棄髮之費而有長髮之利也

奔車之上無仲尼覆舟之下無伯夷並古諺

巫咸雖善祝不能自祓也秦醫雖善除不能自彈也

築社者攬擻而置之端冕而祀之並諺

虜自賣裘而不售士自譽辯而不信鄙諺

呂覽

居者無載行者無埋齊諺

孔叢子

堯舜千鍾孔子百觚子路嗑嗑尚飲十榼平原君與子高飲強子高

酒引遺諺云云古之聖賢無不能飲吾子何辭焉

文子

冬冰可折夏條可結

木強即折革張即裂並諺

符子

堯舜至聖身如脯腊桀紂無道肌膚二尺鄧析引古諺

方回山經

山川而能語葬師食無所肺腑而能語醫師色如土諺

魯定公記

寧得一把五加不用黃金滿車寧得一把地榆不用明

月寶珠諺

皋魚

枯魚銜索幾何不蠹古語

賈誼新書

君子重襲小人無由入正人十倍邪辟無由來語

淮南子

不厚其棟不能任重厚國語作大

黃金累千不如一賢並語

鳶墮腐鼠而虞氏以亾諺

烹牛而不鹽取所為也里諺

饗太高者而疑為上牲葬死人者裘不可以藏相戲以

刃者太祖射其肘枕戶櫛而臥者鬼神躡其首俗諺

韓嬰詩傳

昨日何生今日何成必念歸厚必念治生日慎一日完

如金城古語

劉向說苑

囊漏貯一作中周諺

劉向別錄

唇亾一作揭而齒寒河水竭其壞在山古語

劉向列女傳

力田不如遇豐年力桑不如見國卿刺繡文不如倚市

門古語

桓譚新論

人之相去如九牛毛

二人同術誰昭誰冥二虎同穴誰死誰生

侏儒見一節而長短可知

習伏衆神巧者不過習者之門並古語

人聞長安樂則出門而西向笑知肉味美則對屠門而

大嚼關東鄙語

桓寬鹽鐵論

厨有腐肉國有饑民廐有肥馬路有餒人

鄙儒不如都士

五盜執一良人枉木惡直繩並語

賢者容不辱鄙語又嵇康引俗語云乞兒不辱馬醫

應劭風俗通

金不可作世不可度古語一云金可作世可度

縣官漫漫冤死者半

狐欲渡河無奈一作尾何

婦死腹悲唯身知之並俚語

應劭漢官儀

仕宦不止車生耳語

王充論衡

崑山之傍以玉抵鵲彭蠡之濱以魚食犬
最殘滿車不成爲道玉屑滿篋不成爲寶
無戚而憂憂必及之無慶而歡歡必還之

並語

王符潜夫論

痛不着身言忍之錢不出家言與之

諺

牟子

少所見多所恠見橐駝言馬腫背

古諺

劉子

深不絕涓泉稚子浴其淵高不絕丘陵跛羊遊其巔

古諺

鵝冠子

中流失船一壺千金

古語

師春

斧小不勝柯

古諺

夏侯勝

學經不明不如歸耕

勝每授諸生經輒引諺云

英雄記

讓禮一寸得禮一尺

魏武令引里諺

典畧

家有敝帚享之千金

俚語

徐幹中論

至德之貴何往不遂至德之榮何往不成語

蔣子萬機論

猛虎不處卑勢勁鷹不立垂枝語

學者如牛毛成者如麟角諺

嵇含

過滿百為蠱所螫諺

陶淵明詩序

數面成親舊諺

文選

仁人之利天道運行古語

越阡度陌互為主客古諺

劉勰新論

力貴突智貴卒諺

抱朴子

太山之下白骨狼籍

書三寫魚成魯虛成虎諺

顏氏家訓

博士賣驢書券三紙未有驢字洛下諺

易緯

古語古諺

卷二十三

十五

一夫兩心拔刺不深

躓馬破車惡婦破家

並古語

詩疏

山上斫檀椽楹先殫

斫檀不飾得槩迷繫迷尚可得駁馬

並齊諺

買魚得鱖不如淡茹

里語

瘦馬不渡澗水

問婦人欲買赭不謂龜下有黃土欲買釵不謂山中有

有楛

並齊語

詩正義

四足之美有麀兩足之美有鵠

語

春秋緯

月麗於畢雨滂沱月麗於箕風揚沙

吐珠於澤誰能不合

並古語

史炤通鑑疏

足寒傷心民怨傷國

妍皮不裹媮骨

福至心靈禍來神昧

並諺

世說

絲不如竹竹不如肉

桓溫引語云云以問子孟嘉嘉答曰漸近自然故也

荆楚歲時記

樹介達官怕

臘鼓鳴春草生

太歲在酉乞漿得酒太歲在巳販妻鬻子

並諺

崔寔月令

三月昏參星夕杏花盛桑葉白

河射角堪夜作犁星沒水生骨

土長冒撇陳根可拔耕者急發

蜻蛉鳴衣裘成蟋蟀鳴懶婦驚

並農諺

賈勰齊民要術

智如禹湯不如常耕

以下並諺

耕而不勞不如作暴

子欲富黃金覆

羸牛劣馬寒食下

夏至後不沒狗但雨多溼橐駝五月及澤父子不相借

楊泉物理論

士非玉璧談者為價

能理亂絲乃可讀詩

並語

曹植令

人心不同若其面焉

穀千鴛不如養一驢並諺

衛展疏

廷尉獄平如砥有錢生無錢死諺

蘇武報李陵書

夜行被繡不足為榮諺

載籍通引

終身讓車不枉一舍

莫三人而迷又云莫衆而迷

惑者知反迷道不遠又北魏高謙之引諺云迷而知反

不斑白語道失

白刃交前不顧流矢

堂前不糞除郊草不瞻耘

一淵不兩蛟又云一栖不兩雄又云兩雄不並栖

井水無大魚新林無長木

林中不賣薪湖上不鬻魚

觸露不搯葵日中不翦韭

乳犬獲虎伏雞搏狸

白璧不可為容容多後福

將飛者翼伏將奮者足踞將噬者瓜縮將文者且朴

中規不密用墜禍辟

鐸以聲自穴膏以明白鑠虎豹之文來射猿狖之捷來

搗 上求材臣殘木上求魚臣乾谷

遁關不可復亡犴不可再

無鄉之社易為黍肉無國之稷易為求福

漢書

良工不琢

武帝賢良策問引語

兒婦人口不可用

呂頴常以陳平前為高祖謀執樊噲數讒平為相非治事日飲醇酒戲婦人高后質類於平日鄙語云云顧我於君何如耳無畏

社鼯不灌屋鼠不薰

中山王引語又韓詩云社鼯不灌穰蜂不薰又晏子云社鼯不可薰

蓬生麻中不扶自直白沙在泥與之皆黑

三王世家引

美女入室惡女之仇

外戚世家引諺云云武帝夫人尹婕妤見邢夫人低頭俛而泣自痛

其不如也

狡兔死良狗烹高鳥盡良弓藏敵國破謀臣亡

漢六年人有上

書告楚王信反高祖令武士縛信信曰果若人言云云又蒯通說信引語曰野禽殫走犬烹敵國破謀臣亡桓玄遣何穆說劉牢之引鄙語曰高鳥盡良弓藏狡兔殫獵犬烹

不習為吏視已成事 前車覆後車誠

並賈誼疏引鄙諺

欲投鼠而忌器

賈誼疏引里語

履雖鮮不以加枕冠雖敝不以苴履

賈誼疏引古語

千金之子坐不垂堂百金之子不騎衡

文帝從霸陵上欲西馳下峻阪

袁盎騎並車擊轡上曰將軍怯邪盎引語云云不騎衛一作立不倚衛

變古亂常不死則亡太史公晁錯傳曰晁錯為家令持數言事不用後擅權多所變更反

以亡軀語云云豈錯等謂邪又晉書五行志引云變古易常不亂則亡

狃糠及米漢廷臣方議削吳王恐削地無已因謀舉事聞膠西王勇好兵使中大夫應高說膠西

王曰今上信用邪臣變更律令侵削諸侯誅罰日重語云云吳與膠西知名諸侯也一時見察不得安肆矣大王誠幸而許之一言則天下可并兩主分割不亦可乎

雖有親父安知其不為虎雖有親兄安知其不為狼公孫

詭羊勝說梁孝王求為帝太子及益地事景帝遣使捕勝詭安國入見王而泣曰語云云今大王悅一邪臣浮說犯上禁撓明法有如太后宮車即晏駕大王尚誰攀乎一並無其字

臨淵羨魚不如歸一作退**而結網**董仲舒策引古語

揉曲木者不累日銷金石者不累月公孫弘對策引語云云夫人之好惡豈比禽獸木石之類哉昔年而變臣竊遲之

以管窺天以蠡測海以莛撞鐘

水至清則無魚人至察則無徒並東方朔古語

彊弩之極矢不能穿魯縞衝風之末力不能漂鴻毛韓安

國與王恢論伐匈奴以為勿擊便引古語云云

誰為為之孰令聽之司馬遷既被刑之後為中書令任安與遷書責以古賢臣之義遷報

書曰身殘處穢動而見尤欲益反損是以抑鬱而無誰語語云云

家索千金坐不垂堂司馬相如從上長楊是時天子方好自擊熊羆馳逐野獸相如上諫

獵疏引鄙語云云此言雖小可以喻大

桃李不言下自成蹊

太史公李廣傳曰余觀李將軍悛悛如鄙人口不能道辭及死之日

天下知與不知皆為盡哀彼其忠實心誠信於士大夫也諺云云

人貌榮名豈有既乎

太史公郭解傳曰吾觀郭解狀貌不及中人言語不足擇者然天下

無賢不肖皆慕其聲言俠者必引以為名諺云云

畫地為獄議不入刻木為吏期不對

初武帝之世張湯趙禹條定法令禁

綱寢密宣帝時守廷尉史路溫舒上書言宜尚德緩刑引諺云云

鼠不容穴銜窶數

左馮翊韓延壽有罪下獄楊惲上書訟之郎中丘常謂曰問君訟延壽當

得活乎惲曰事何容易脛脛者未必全也我不能自保語云云

腐木不可以為柱卑人不可以為主

成帝欲立趙婕妤為后諫大夫劉輔上書諫引理諺云云

苛政不親煩苦傷恩

成帝時薛宣為御史中丞執法嚴中外總部刺史以吏多苛政修教

煩碎上疏引鄙語云云

千人所指無病而死

成帝益封董賢等三侯國王嘉上封事諫曰自古以來貴臣未有

此流聞四方皆同怨之里諺云云

何以知朝廷之衰人人自賢

哀帝初李尋待詔黃門帝使侍中衛尉傳喜問曰聞

者水出地動日月失度星辰亂行災異仍重極言無諱尋奏對引語云云

貴易交富易妻

光武姊湖陽公主新寡帝與其論朝臣主言宋公威容德器羣臣莫及後宋弘

彼引見帝令主坐屏風後因謂弘曰諺云云人情乎弘曰臣聞貧賤之交不可忘糟糠之妻不下堂帝顧主曰事不諧矣

作舍 一作 道傍三年不成

明帝時博士曹褒上疏具陳禮樂班固請廣集諸儒共議

得失帝曰諺言云云

人所歌舞天必從之

王莽造廉丹計山東時行說曰將軍之先為漢信臣新室之興

後不附今漢內潰人懷漢德古語云云一下有人所咀

水不激不能破舟矢不激不能飲羽

馮衍與新陽侯陰就書曰側聞東平

山陽王賞之國擇除官屬行不自量願俟白以備門尉

中國失禮求之於野

建武七年執金吾朱浮以國學既興且廢博士之選上書弘詔云云

刻鵠不成尚類鶩蓋虎不成反類狗

馬援戒子書引語云云

生男如狼猶恐其虺生女如鼠猶恐其虎

曹世叔妻班昭作女誡上

篇引諺云云

幾事不密禍倚人壁

荀諫戒鮑永引語云云

關東出相關西出將

永初四年羌胡反亂殘破并涼大將軍鄧騭欲棄涼州虞詡說太尉

李脩以為不可引諺云云一關並作出

一歲再赦好兒啞

州郡記如霹靂得詔書但挂壁

崔寔政論曰孝文在位二十三年乃赦示不廢舊章而已近永平建初之際亦六七年乃赦亡命之子皆老於草野窮困憊艾頃間以來歲旦赦百姓輕為姦非前年一替之中大小四赦諺云云况不執之民孰不肆意遂以赦為常俗赦以趣赦轉相驅蹙而不得息雖日赦之亂彌繁也又口每詔書所欲禁絕雖重懇惻罵詈極筆猶復廢捨終無悛意故里語云云

善人在患飢不及餐

順帝時太尉王龔為諸黃門誣奏李固為大將軍梁商從事中郎奏

詔商宜加表救引語云云

嘒嘒者易缺皦皦者易汙陽春之曲和者必寡盛名之

古語古彥

卷十三

二十二

下其實難副

黃瓊徵至綸氏稱疾不進李固以書逆遺之引語云云

盜不過五女門

陳蕃上疏曰北年收歛十傷五六萬人飢寒不聊生活而采女數千食肉衣綺

脂油粉黛不可貲計鄙諺云云以女貧家也今後宮之女豈不貧國乎

掩目捕雀

何進與袁紹謀誅宦官欲多召四方猛將及諸豪傑使並引兵向京畿以脅太后主簿陳

琳諫之引諺云云夫微物尚不可欺以得志况國之大

穀弩射市薄命先死

劉咸謂李業曰賢者不避害語有之云云

活千人者子孫必封

史弼論引語

天生五材民並用之

滿堂而飲酒有一人鄉隅而悲泣則一堂為之不樂

並刑

法志引語

鬻棺者欲歲之疫

刑法志引諺

在車則下御坐則起

漢儀立秋日郊禮畢肄兵習戰陳既還公卿陳雒陽前街天子下車

公卿親識顏色然後入宮正旦朝賀三公奉壁上殿太

有病不治常得中醫

藝文志經方論曰以熱益熱以寒益寒是所獨失也故諺云云

百里不販樵千里不販糴

以貧求富農不如工工不如商刺繡文不如倚市門

千金之子不死於市

並貨殖傳引諺又尉繚子云千金不死百金不刑

東觀漢記

時無赭澆黃土

明德馬太后時上欲封諸舅太后曰吾自念親屬皆無柱石之功俗語云云

迎新千里送故不出門

陳忠疏引語

謝承後漢書

孤犢觸乳驕子罵

一作

毋

仇覽為陽遂亭長有羊元者凶惡不孝其母告之覽責元

以子道與孝經一卷使誦讀之元深改悔至母前謝罪日諺云云乞今自改卒成佳士

三國志

疏不間親新不加舊

孟達降魏與劉封書引古語云云

射幸數跌不如審發

後主時軍旅數出百姓彫敝譙周作仇國論引諺云云

生女耳耳非佳語

武帝為魏王中尉崔琰取表草視之與楊訓書曰省表事佳耳時乎時乎

會當有變時琰本意譏論者好譏呵而不尋情理也武帝聞之大怒曰諺云云意指不遜賜琰死

疾雷不及掩耳

武帝欲討馬超引語

失晨之雞思補更鳴

武帝選令曰諺云云昔季闔在白馬有受金取婢之罪棄而弗問後

濟北相以其能故

患名之不立不患年之不長

文帝東征過項入賈逵祠見其碑像念之愴然引古

語云云

相門有相將門有將

患為之者不必知知之者不得

為

陳思王植上疏陳審舉之義引諺云云夫相者文德昭將者武功烈也又語云云

一日縱敵數世之患

郭嘉勸武帝圖劉備引古語云云及使備擊袁術備果背魏武帝恨

不用嘉策

順道者昌逆德者亡

袁尚遣使與馬騰韓遂等連和傅幹說騰等從魏引古語云

魯班雖巧不能為乞丐者顏

王朗引諺

世有亂人而無亂法

明帝時大議考課之制杜恕以為用不盡其人雖才無益上疏引語

蝮蛇螫手壯士解其腕陳泰拒蜀姜維於狄道引古語云云今隴右之害過於蝮蛇不若割險自保

得一夫而失一國朱桓論引語云云朱桓欲殺胡綜事覺乃託狂發詣建業治病吳主惜其功而不罪也

欲知其君觀其所使張溫見廢將軍駱統表理之引古語云云

明鏡所以照形古事所以知今齊王孫奮徙封豫章數越法度諸葛恪上牋諫之引里語云云

華陽國志

巴有將蜀有相巴西郡二主之世稱矣荆楚先漢以來馮車騎范鎮南皆植斯鄉故蜀語云云

梁祚魏國統

如不知足則失所欲 救寒莫若重裘止謗莫如自脩王昶字女舒戒子書引語云云故知足之足常足矣又諺云云

孫盛晉陽秋

奕者舉棋不定猶不勝其偶先主論引語

魚豢

貧不學儉卑不學恭陳思王論引諺

傅子

巧詐不如拙誠劉曄仕明帝能應變持兩端帝後得其情遂疎焉曄乃發狂憂死諺云云

晉書

積善三年知之者少為惡一日聞於天下

司馬宣王論引語

用其法猶思其人

光熙初追錄齊王罔唱義之功即墓賜策引古語云云

飢寒並至堯舜不能使野無寇盜貧富兼併臯陶不能

使強不凌弱

元帝詔引古語

受堯之誅不能稱堯

陳留相樂安孫尹表曰劉毅前為司隸直法不撓當朝之臣多所按

効諺云云

人主詳其政荒人主期其政理

劉頌上疏論刑法引古語云云

膏梁之性難正

劉頌疏言晉祚初建其所服乘皆先代功臣之胤非其子孫則其曾玄古語云

云

忍辱至三公

杜有道妻嚴氏字憲從子預為秦州刺史被誣徵還憲以書誠之曰諺云云汝今可

謂辱矣能忍之公是汝坐

錢無耳可聞使

軍無財士不來軍無賞士不往士無

中人不歸田

元康之後魯褒傷時貪鄙乃著錢神論引諺云云又語云云成公綏亦有錢神

論引諺曰錢無耳可使鬼

行無禮必自及

潘岳西征賦引語

山有猛獸藜藿為之不採

劉琨為段匹磾所害朝議以匹磾尚疆當為國討石勒不

舉琨哀理故從事盧諶上表理之引古語云云

貞良而亡先人之殃酷烈而存先人之勲

王隱與梅陶在祖約坐相

數說餘事引古語云云

利不百不易業

元興中桓玄輔政欲廢錢用穀帛孔琳之以為錢便於穀帛且人習久革之必

深山大澤有龍有蛇 王導傳引語

野獸入家主人將去 涼後主李歆時狐上南門從事中郎張顯上疏引諺云云

作者不居居者不作 南涼秃髮傉檀宴羣臣於宣德堂仰視而歎引古語云云

一夫不可狃 冉閔拜其子為大單于以降胡一千處之元祿大夫韋護上諫引古語云云

欲人勿知莫若勿為 苻堅將為赦與王猛密議於露堂有大蒼蠅入自牖間鳴聲甚異集

于筆端俄而長安中相告曰官今大赦堅窮推之咸言有一小兒衣黑衣大呼於市是以知之堅歎曰其向蒼蠅乎因引諺云云

雞夜鳴者不利行師大羣噪者宮室必空兵動馬驚軍

敗不歸 苻堅將寇江左其妾張氏止之引諺云云

憑天俟時 苻堅之東也羣臣皆諫止之慕容垂勸堅以行引諺云云時已至矣其可止乎

求忠臣必於孝子之門 慕容麟攻秦王亮於博陵亮功曹張漪踰城應麟亮臨城數之引古語云云卿母在城不能顧之何忠義之可望

夏蟲不知冬冰 葉延吐谷渾之孫也問其下以天地造化帝王年曆莫有知者延歎曰自羲皇

以來符命玄象昭然著見而卿等面墻豈不鄙哉語云云良不虛也

宋書

富則盛貧則病 顏延之庭誥文引諺

影從表瑞從德 元嘉中河濟俱清當時以為美瑞鮑照作河清頌引語云云

禍不入六慎門 大明二年竟陵王誕治廣陵城有海陵夷孫者謂誕曰何不立六慎門誕問六

慎云何孫引古語云云誕以其狂悖殺之

南史

猛獸不如羣狐 宋武帝既入關將歸畱沈田子王鎮惡等守之田子與鎮惡不平帝私謂田子曰語云云卿等十餘人何懼鎮惡

齊書

中國失禮問之四夷

王僧虔畱意雅樂昇明中奏加籙改至建元二年欲通北使僧虔與兄子儉書引古語云云北國或有遺樂可以補中朝之闕宜得一人粗別同異者充此使限

南史

一物失所如納諸隍 齊武帝詔引古語

朝生暮孫

下彬仕既不遂作蚤蠶賦以見意其序引諺云云

梁書

非死之難處死之難

天監二年袁昂為後軍臨川王參軍事昂奉啟謝引古語云云臣之死所未知何地武帝答曰朕遺射鈞卿無自外

梁史

屋漏在上知之在下

古語

陳書

亡國之主多有材藝

魏徵諫後主引古語

北魏書

越人射我笑而道之吾兄射我泣而道之

孝武勅齊神武引古語

千奴共一膽

神瑞初并州胡南掠河南荀玄伯曰胡衆雖盛而無猛健之將諺云云

非常之原黎民懼焉及其成功天下晏然

太后將伐蠕蠕集羣臣議

古詩古語 卷十三 皆不欲行唯崔浩贊成策畧引古語云云

敵不可縱 宣武時郭祚請南伐引古語

一日不書百事荒蕪 李彪領御史中丞解著作事後因求復舊職乃表脩魏史引諺云云

耕則問田奴絹則問織婢 宣武時詔安東將軍邢密攻鍾離巒以為必無克狀引俗語云云又隋柳彧引云耕當問奴織當問婢

其益如毫其損如刀 太和初高允上酒訓引諺

一夫不耕或受其飢一婦不織或受其寒 高允作洪範傳天文志八

篇引古語

北齊書

一日不朝其間容刀 文宣將赴晉陽陽休之勸崔季舒從行引語云云

土相扶為牆人相扶為王 尉景有果下馬文襄求之景不與引語云云一馬亦不得畜而索也

奴見大家心死 瑯琊王儼斬和士開率京畿軍士屯千秋門後主將命宿衛者出戰解律光曰

小兒輩弄兵與交手即亂鄙諺云云至尊宜自至千秋門瑯琊王必不敢動

北周書

天之所棄誰能興之 梁元帝使于周請據舊圖以定疆界言詞悖慢文帝曰古語云云其

蕭繹之謂乎

朝謀不及夕 賀拔岳勸爾朱榮入匡朝廷引古語

不入虎穴不得虎子 高仲密之舉北豫州來附也時齊神武屯河陽文帝欲遣兵應接諸

將皆以所據遼遠不便李遠引語云云請以奇兵迎之

官省則事省事省則民清官煩則事煩事煩則民濁蘇

疏引古語
隋書

疾風知勁草世亂有誠臣楊素討平漢王諒煬帝手詔勞之引古語云

老吏抱案死劉炫言文簿鍛鍊往往萬里追證百年舊案故諺云云

善為水者引之使平善化人者撫之使靜

無為權首將受其咎

無始禍無召亂並史臣論引語

詩所第十三卷終

詩所第十四卷古雜詩

逸詩

支國語衛彪傒曰武王克殷作此詩以為飫歌名之曰支以遺後人使永監焉

天之所支不可壞也其所壞亦不可支也

辟雍三章

舟張辟雍鷁鷁相從八風回回鳳凰喈喈尚書大傳

有昭辟雖有賢泮宮田里周行濟濟鏘鏘相從執質有

族以文

敕爾瞽率爾衆工奏爾悲誦肅肅雝雝無怠無凶周官

貍首二章

古雅詩 卷十四

曾孫侯氏四正具舉大夫君子凡以庶士小大莫處御
於君所以燕以射則燕則譽禮記射義

質參既設執旌既載于侯既抗中獲既置弓既平張四
侯且良決拾有常既順乃讓乃揖乃讓乃躋其堂乃節
其行既志乃張射夫命射射者之聲御車之旌既獲卒

莫

大戴禮投壺篇

黃竹

三章穆天子遊黃臺之丘獵於萃澤有陰雨天子乃休日中大寒北風雨雪有凍人天子作詩以哀民

我徂黃竹

員閔寒帝收九行嗟我公侯百辟冢卿皇

我萬民旦夕勿忘

我徂黃竹

員閔寒帝收九行嗟我公侯百辟冢卿皇

我萬民旦夕勿窮

有皎者駱翩翩其飛嗟我公侯

勿則遷居樂甚寡不

如遷土禮樂其民

祈招

穆王欲肆其心周行天下將皆必有車轍馬跡焉祭公謀父作祈招之詩以止王心其詩曰

祈招之惜惜式昭德音思我王度式如玉式如金形

一作

刑民之力而無醉飽之心

徵招角招

畜君何尤

無射

晉平公使叔譽于周見太子而與之言五稱而五窮歸告公曰太子晉行年十五而臣弗能與言君請歸聲就復與田師曠曰不可請使曠臣師曠見太子三稱三告善王子曰請入坐遂敷席注瑟師曠歌無射乃注瑟於王子王子歌嶠師曠歸太子賜乘車四馬曰太師亦善御之對曰御吾未之學也王子曰汝不為夫轡之柔矣之詩云云以是御之

國誠寧矣遠人來觀脩義經矣好樂無荒

嶠

何自南極至于北極絕境越國弗愁道遠

轡之柔矣

馬之剛矣轡之柔矣馬亦不剛轡亦不柔志氣庶庶取與不疑

驪駒

王式曰客歌驪駒主人歌客毋庸歸

驪駒在門僕夫具存驪駒在路僕夫整駕

白水

甯戚見管仲亟稱曰浩浩乎儵儵乎管子不解歸而不怡有少妾問焉仲曰非而與知也妾曰母少少母賤賤仲以語之妾曰甯子殆欲室也古有白水之詩云

浩浩白水儵儵之魚君來召我我將安居國家未立從

我焉如

一云浩浩者水育育者魚未有室家而召我安居

鼓缶

君子有酒小人鼓缶雖不見好亦不見醜

淮南子

左傳

八章

翹翹車乘招我以弓豈不欲往畏我友朋

陳敬仲引

我無所監夏后及商用亂之故民卒流亡

俟河之清人壽幾何兆云詢多職競作羅子駟引

雖有絲麻無棄菅蒯雖有姬姜無棄蕉萃凡百君子莫

不代匱

周道挺挺我心扃扃講事不令集人來定

禮義不愆何恤乎人言子產引

淑慎爾止無載爾僞

我之懷矣自詒伊戚

論語二章

巧笑倩兮美目盼兮素以爲絢兮

棠棣之華偏其反而豈不爾思室是遠而

毛詩

豐年之冬必有積雪

禮記二章

昔吾有先正其言明且清國家以寧都邑以成庶民以

生誰能秉國成不自爲政卒勞百姓緇衣

相彼盍旦尚猶患之坊記

大戴禮四章

東有開明於時雞三號以興庶虞庶虞動蜚征作民嗇

執功百草咸淳四代篇

古雅詩

卷十四

四

魚在在藻厥志在餌用兵篇

有斧有柯

孔子家語

皇皇上天一作帝其命不忒天之以善一作與人必報其德

管子

鴻鵠將將唯民歌之濟濟多士殷民化之

晏子春秋

樂矣君子直言是務

墨子三章

必擇所堪必謹所堪

魚水不務陸將何及

王道蕩蕩不偏不黨王道平平不黨不偏其直若矢其

易若底君子之所履小人之所視

荀子五章

國有大命不可以告人妨其躬身

鳳凰秋秋其翼若干其聲若簫有鳳有凰樂帝之心

長夜漫兮永思騫兮太古之不慢兮禮義之不愆兮何

恤人之言兮

墨以為明一作明狐狸而蒼

如霜雪之將將如日月之光明為之則存不為之則亡

列子

良弓之子必先為箕良冶之子必先為裘

莊子

青青之麥生陵之陂生不布施死何合珠為

呂氏春秋 四章

將欲毀之必重累之將欲踣之必高舉之

君君子則正以行其德君賤人則寬以盡其力

唯則定國

于嗟寃兮

戰國策 五章

行百里者半於九十

服亂以勇治亂以智事之計也立傳以行教少以學義

之經也

大武遠宅不涉 遠宅下一有而字

木實繁者披其枝披其枝者傷其心大其都者危其國

尊其臣者卑其主

樹德莫如滋除害莫如盡

淮南子

掩雉不得更順其風

史記

得人者興失人者崩

兩漢書 三章

四牡翼翼以征不服

九變一作辨復貫知言之選

皎皎練絲在所染之楊終傳

晉書

羽觴隨波束皙傳

鹽鐵論

雍雍鳴駟旭日始旦登得前利不念後患

說苑

縣縣之葛在於曠野良工得之以為綸紵良工不得其
死於野

徐幹中論

相彼玄鳥止於陵阪仁道在近求之無遠

集韻

佞人如蟬

石鼓詩

十章周宣王獵碣也或以為周成王時詩

避

本音五古讀作我

車既王

籀文

避馬既同避車既攷

古文

避馬

既駢

與駢同

君子鼎鼎

籀文員

邈邈

通作

鼎旂

通作

鹿鹿

速速君子中

籀文

求絳絳

古文關

肉弓

古及

弓茲呂

古文

以寺古文寺避啟其時其來趨趨趨趨今作郎避

即時鹿趨趨其來大塗避啟其樣與朴其來趨趨與朴馭

射古文其狷蜀通作屬

右一薛作辛文 鄭作丙文 文六十六 重

汧古也汧汧與奚辰籀文皮溇一作淵與鯁古文

處古君子濬古文中通作又通作炎古其旌趨

趨帛古文樂與其盤與氏古文鮮黃帛其綱古文

又與鱗今作又與鯢與其胡孔戾古文繇古文中與彘彘

淫籀文趨與其臭佳古文可古文佳鯁佳鯉可日彘一作

粟佳楊及柳古文

右二薛作戊文 鄭作甲文 文六十一

田車孔一作安鑿勒駢駢與六帶古文既簡左驂旂

旂右驂馳避古弓古遼古避古戎止一作阨古

陸宮車其寫秀通作弓寺馭麋豕孔戾鹿雉免其遼

又與其戎與大車出各通作亞古文獸白

奧古文避輒而勿馭多戾趨趨君子道一作樂

右三薛作丙文 鄭作丁文 文六十九 重

帥古文辰鑿車樂救真古文如秀弓孔碩彤矢奕奕古

字四馬其寫六轡古沃若徒古駿一作孔戾廳古

廓騎實籀文博崗通作車古衍古如徒如章遼

溼古文

陰陽趨趨六馬弭虫缺缺

籀文

又貍如虎獸鹿

如眾古文

台古文

邇多賢迪禽聶

古文

雉避兎允異

右四

薛作丁文

鄭作戊文

文六十九

重

避來自東

一有婁

古零

雨奔懔

古文

逆湧盈盈淥

與

溼君子既步

古文

避馬懔汧汧泊

與暨

淒番

古文

士駘

古文

言鹵

籀文

方

一作

肖

古文

自廳徒驥

遑遑佳

古文

肖吕衍或陰或陽极

古文

淡吕戶出亏水

一方齧徒遑

一作

止其奔避吕且

古文

其鹵

古文

吏

事

右五

薛作王文

鄭作辛文

文六十六

重

寘猷乍

古文

遶乍周衛

古文

追

古文

戎

古文

我

除帥辰阪田莠

或作

為垂里希微徼徼值罔

古文

黍鼻

籀文

柞械其拔櫪

古櫻

楮鬪鬪

或云遑字

鳴桀亞魯

籀文

其𦉳

古文

可為所旂

或作

水盞衛百

古文

𦉳

樹

𦉳

古文

右六

薛作庚文

鄭作乙文

文五十二

重

徒避嘽嘽而師旅

真欬會同又繹吕左

一有戎

律弓矢孔戾滔滔是戴

古文

𦉳夫寫矢

一有

具隻

古文

莽

古文

挈其徒荀

一作

來或羣或爻

古文

悉率左右燕

樂天子來嗣王始獲獲

古文

復

古文

古我來攸止

惟月孟春獺祭彼崖永言孝思享祀孔嘉彼黍既潔彼儀既澤蒸命良辰祖考來格

日月明明亦惟其名誰能長生不朽難獲

惟德實寶富貴何常我思古人令問令望

侂詩

荀卿為蘭陵令客有說春申君者曰湯以亳武王以鎬皆有天下今荀子賢而君借以百里之勢臣為君危之春申君乃謝荀子荀子去而夏亡管仲去魯入齊魯弱而齊強賢者所在其君未嘗不尊榮也今荀子天下賢士君何為謝之春申君又使人請荀子荀子不還而遺之

侂詩云云

天下不治請陳侂詩天地易位四時易鄉列星隕墜日暮晦盲幽闇登昭一作照日月下藏公正無私反見縱橫

志愛公利重樓疏堂無私罪人慙革二兵道德純備讒口將將仁人絀約敖暴擅強天下幽險恐失世英螭龍為躓挺鴟梟為鳳凰比干見剗孔子拘匡昭昭乎其知之明也郁郁乎其遇時之不祥也拂乎其欲禮義之大行也闇乎天下之晦盲也皓天不復憂無疆也千秋必反古之常也窮子勉學天不忘也聖人共手時幾將矣與愚亦疑願聞反辭其小歌也念彼遠方何其塞矣仁人絀約暴人衍矣忠臣危殆讒人般矣琤玉瑤珠不知佩也雜布與錦不知異也閭媿子奢莫之媒也嫫母刀父是之喜也以盲為明以聵為聰以危為安以吉為凶

鳴呼上天曷維其同

一云寶珍隨珠不知俾今禕衣與絲不知異今問姝子奢莫知媒今媒母求之又甚喜之今以瞽為明以聾為聰以是為非以吉為凶嗚呼上天曷謂其同

蘇秦上秦惠王詩

言語相結天下為一合從連橫兵革不藏文士竝飭諸侯亂惑萬端俱起不可勝理科條既備民多偽態書策稠濁百姓不足上下相愁民無所聊明言章理甲兵愈起辯言偉服戰攻不息繁稱文辭天下不治舌敝耳聾不見成功行義約信天下不親

詩所第十四卷

終

